

He Whakatau

Me mātua pānui kia marama rawa koe ki ngā whārangi 8–14 o tēnei pukapuka.

He whakarāpopoto

Pānuitia te whakarāpopoto ki te ākonga. Kia whakatō kākano koe, he aha ka tipu mai?

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me te āta whakamahi i te papa kupu me ngā whakaahua kei te uhi. Me whakamaumahara hoki te ākonga ki te pātai i a ia anō i te wā e pānui ana ia mai i te tīmatanga ki te mutunga o te pānui.

Matapakia te ingoa o te pukapuka. He aha ngā tikanga o te whakatō kākano?

He kōwhai ahurei tō tēnā iwi, tō tēnā iwi. Kei te ngaro tētahi āhua i te pukapuka kia pākano te kōwhai. He paitini te katoa o te kōwhai ake ko ngā kākano. Mā te kaiako tonu e whakamātautau.

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tātari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e marama ana mā te whai i tētahi o ngā huarahi e whai ake nei:
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuratanga o te pakiwaitara, arā, te kaupapa, te ritenga, ngā ariā mātua, te raupapatanga, ngā kiripuaki;
 - te whakatenatena i te ākonga ki te titiro ki mua, ki te matapai hoki, i te wā o te whakataki.



Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini kōpae puoro, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. He aha te kaupapa o tēnei pukapuka?
2. He aha te mahi a te kōtiro?
3. Mai i te kākano, ka tipu ake i te aha?
4. He aha ngā mea kei runga i ngā pihi?
5. Mā te aha e āhei ai te kākano kia tipu ake?

Ngā whakautu ki ngā whakapuaki māramatanga

1. Ko te whakatō kākano.
2. Tiaki i tana kākano, rākau rānei.
3. He rākau, he putiputi rānei.
4. Ko ngā rau, ngā putiputi me ngā kākano.
5. Mā te hihi o te rā, mā te wai, mā te oneone.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuratanga o te pukapuka nei.

Te pūtake

T He tāutu i tētahi raupapatanga.

He whakatakinga ā-roro, he whakaharatau

I mua i te pānui pukapuka, matapakia ngā tikanga o ngā kupu hou (ipu, pihi). E mōhio ana te ākonga ki te kōrero e pā ana ki te whakatō kākano?

Kia oti i te ākonga te pānui, kōrerotia ngā tikanga o te whakatō kākano. Whakatōhia ngā putiupti rā ki rō paepae. He aha ngā rerekētanga, ōritetanga rānei o ngā momo kākano? Whakaingoatia ētahi putiputi, rākau, hua whenua rānei i mōhio ai ngā ākonga.